



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

28.03.2023

177-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet rektor buyruqlari, Odob-axloq kodeksi hamda boshqa hujjatlarni buzish holatlari kuzatilmoqda.

Jumladan, Universitet rektorining 2023-yil 3-fevraldagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2022/2023-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 60-tm-son buyrug'iga muvofiq Xalqaro huquq va qiyosiy huquqshunoslik fakulteti 4-kurs talabasi Qurbonov Ro'zimurod Tuymurod o'g'li Toshkent shahar Mirzo Ulug'bek tuman prokuraturasida 2023-yilning 6-fevralidan 14-apreliga qadar bitiruv malakaviy amaliyoti o'tashi belgilangan.

Ammo, talaba R.Qurbonov bitiruv malakaviy amaliyoti bo'yicha buyruq mazmuni tushuntirilgan hamda bitiruv malakaviy amaliyotini o'tash muddatlari va joyi to'g'risida ogohlantirilgan bo'lishiga qaramasdan fakultet dekanati va universitetdan biriktirilgan amaliyot rahbariga xabar bermasdan 2023-yilning 1-fevralidan o'zboshimchalik bilan safarbarlik chaqiruvi rezervi xizmatiga jo'nab ketgan hamda joriy yilning 28-fevraliga qadar harbiy xizmatni o'tagan.

Talaba R.Qurbonov o'z tushuntirish xatida bitiruv malakaviy amaliyotiga joriy yilning 6-fevralidan 28-fevraliga qadar Toshkent shahar Mirzo Ulug'bek tuman prokuraturasiga bormaganligi hamda harbiy xizmatda bo'lganligini tasdiqladi.

O'zbekiston Respublikasining 2002-yil 12-dekabrdagi "Umumiy harbiy majburiyat va harbiy xizmat to'g'risida"gi qonunining 21-moddasi tegishli qismiga muvofiq umumiy o'rta, o'rta maxsus va professional ta'lim muassasalarida tahsil olayotgan chaqiriluvchilar, shuningdek oliy ta'lim muassasalarida kunduzgi o'qishda tahsil olayotgan talabalar o'qishni davom ettirishlari uchun ularning

safarbarlik chaqiruvi rezervi xizmatiga chaqirilish muddati o'qishni tamomlagunlariga qadar kechiktirilishi hamda oliy ta'lim muassasalaridagi ta'limning kunduzgi va kechki shaklida tahsil olayotgan talabalar o'z roziligi bilan safarbarlik chaqiruvi rezervi xizmatiga olinishi mumkinligi, bunda talabalar bir oylik harbiy yig'inlarni o'tashga iyul-avgustda jalb etilishi belgilangan.

Talaba mazkur harakatlari bilan Universitet rektorining 2023-yil 3-fevraldagi 60-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 164<sup>4</sup>-bandiga muvofiq bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi, universitetdan biriktirilgan bitiruv malakaviy amaliyot rahbarining talabi bilan ko'rib chiqish uchun bitiruv malakaviy amaliyotni o'tash to'g'risidagi hisobotini taqdim qilishi, shuningdek Toshkent davlat yuridik universiteti Odob-axloq kodeksining 5-moddasi Universitet xodim, talaba va doktorantlari O'zbekiston Respublikasi qonunchiligiga so'zsiz rioya qiladilar hamda o'z xizmat va o'qish majburiyatlarini lavozim yo'riqnomalari, mehnat shartnomalarim TDYU Odob-axloq kodeksi qoidalari, Universitet Ichki tartib qoidalari hamda ta'limga oid boshqa me'yoriy hujjatlarga muvofiq bajarishiga oid talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Universitet rektorining 2023-yil 3-fevraldagi 60-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 164<sup>4</sup>-bandi, Toshkent davlat yuridik universiteti Odob-axloq kodeksining 5-moddasi hamda universitetning Ichki tartib qoidalari (ichki mehnat tartibi qoidalari) 83-bandiga asosan

#### **BUYURAMAN:**

1.Universitet rektorining 2023-yil 3-fevraldagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2022/2023-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 60-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 164<sup>4</sup>-bandi va Universitet Odob-axloq kodeksi 5-moddasining talablarini buzganligi uchun Xalqaro huquq va qiyosiy huquqshunoslik fakulteti 4-kurs talabasi Qurbonov Ro'zimurod Tuymurod o'g'liga hayfsan e'lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e'tiboriga yetkazilishi va keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabani shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Bo'lim boshlig'i

J.AXMEDOV



yuriskonsult

D.ALIBOYEV

